

qui fabulam tradidit, cuius fidem reliqui secuti sunt. Hunc uero Eusebius uirum nominat συμηνὸν τὸν νοῦν, qui omnes fibi passus est fabulas, quae eius erat credulitas, imponi. Mirum quidem est, potuisse Patres hominis, tam exiguo. praediti iudicio, narrationem tanquam ueram, complecti. Sed enim familiaritas, quam cum Ioanne ille habuit, facile aliquam ipsi auctoritatem conciliauit. Qua etiam procul dubio effecit, ut Patribus, ceteroqui meritissimis, Chiliasmum persuaserit. Nihil moror Iac. Rhenferdium, cui in Exerc. Phil. de Fictis Iudeorum Haeres. n. LXXII. *baut uero simile uidetur,* Christum et Apostolos eius primam Ecclesiam ex Ebraeis, Ebraea tantum lingua uentibus, collectam, adeo negligere uoluisse, ut peregrino idiomate apud illos uiri uoluerint. Etenim Iudei istis temporibus Graece periti erant. Cum Paulus Act. XXII. 2. pro se dicere uellet, aures eidem praebebant, quem Graece locuturum esse arbitrabantur Iudei. Iosephus ἀρχαιολογίας Graece scripsit, quam tamen, ut ipse fatetur L. XX. c. ult. in gentis suae gratiam confecit. Et uidetur mihi omnino DEVS, posthabita lingua Ebraea, Graecam adhibuisse, sapientissimo plane consilio. Tollendus erat paries intergerinus, qui populum Iudeicum a gentibus, uera aeterni Numinis notitia destitutis, distinguebat. Τὰ λόγια non uni amplius nationi, sed omnibus, quotquot in terris degabant, erant concredenda. Hinc istiusmodi uti debuit lingua, quae omnibus gentibus et nationibus erat notior, et usitator.

XII. Haec sunt, quibus inducor, ut credam, inscriptio-  
nes non esse ab ipsis librorum auctoribus profectas. Sunt  
tamen, qui Euangeli titulum ab ipsis Apostolorum, dedu-  
cunt temporibus. In his est Laurentius Edingerus, in Pro-  
legom. General. ad quatuor Euang. libro non contemnendo.  
Affert pro sua sententia locum Iustini Martyris, qui in Apol.  
pro Christianis. Οἱ γὰρ Ἀπόστολοι, ἐν τοῖς γενομένοις ὑπ' αὐτῶν  
ἀπειπονεύμασιν ἡ καλεῖται εὐαγγέλια ὅυτω παρέδοκαν. Fa-  
cile largior, intelligi a Iustino historiarum sacrarum libros,  
quos quatuor illi Viri, Mattheus, Marcus, Lucas, et Ioannes

B 2

con*e*